

# चौपाई साहिब पाठ

कबयो बाच बेनती ॥  
चौपई ॥  
हमरी करो हाथ दै रछा ॥  
पूरन होइ चित की इछा ॥  
तव चरनन मन रहै हमारा ॥  
अपना जान करो प्रतिपारा ॥३७७॥  
हमरे दुशट सभै तुम घावहु ॥  
आपु हाथ दै मोहि बचावहु ॥  
सुखी बसै मोरो परिवारा ॥  
सेवक सिखय सभै करतारा ॥३७८॥  
मो रछा निजु कर दै करियै ॥  
सभ बैरिन कौ आज संघरिये ॥  
पूरन होइ हमारी आसा ॥  
तोरि भजन की रहै पियासा ॥३७९॥  
तुमहि छाडि कोई अवर न धयाऊं ॥  
जो बर चहों सु तुमते पाऊं ॥  
सेवक सिखय हमारे तारियहि ॥  
चुन चुन शत्रु हमारे मारियहि ॥३८०॥  
आपु हाथ दै मुझै उबरियै ॥  
मरन काल त्रास निवरियै ॥  
हूजो सदा हमारे पछा ॥  
स्री असिधुज जू करियहु रछा ॥३८१॥  
राखि लेहु मुहि राखनहारे ॥  
साहिब संत सहाइ पियारे ॥  
दीनबंधु दुशटन के हंता ॥  
तुमहो पुरी चतुरदस कंता ॥३८२॥  
काल पाइ ब्रहमा बपु धरा ॥  
काल पाइ शिवजू अवतरा ॥  
काल पाइ करि बिशन प्रकाशा ॥  
सकल काल का कीया तमाशा ॥३८३॥  
जवन काल जोगी शिव कीयो ॥  
बेद राज ब्रहमा जू थीयो ॥  
जवन काल सभ लोक सवारा ॥  
नमशकार है ताहि हमारा ॥३८४॥  
जवन काल सभ जगत बनायो ॥  
देव दैत ज्छन उपजायो ॥

## चौपाई साहिब पाठ

आदि अंति एकै अवतारा ॥  
सोई गुरु समझियहु हमारा ॥३८५॥  
नमशकार तिस ही को हमारी ॥  
सकल प्रजा जिन आप सवारी ॥  
सिवकन को सवगुन सुख दीयो ॥  
शत्रुन को पल मो बध कीयो ॥३८६॥  
घट घट के अंतर की जानत ॥  
भले बुरे की पीर पछानत ॥  
चीटी ते कुंचर असथूला ॥  
सभ पर क्रिपा द्विशटि करि फूला ॥३८७॥  
संतन दुख पाए ते दुखी ॥  
सुख पाए साधन के सुखी ॥  
एक एक की पीर पछानै ॥  
घट घट के पट पट की जानै ॥३८८॥  
जब उदकरख करा करतारा ॥  
प्रजा धरत तब देह अपारा ॥  
जब आकरख करत हो कबहूं ॥  
तुम मै मिलत देह धर सभहूं ॥३८९॥  
जेते बदन सिशटि सभ धारै ॥  
आपु आपुनी बूझि उचारै ॥  
तुम सभ ही ते रहत निरालम ॥  
जानत बेद भेद अरु आलम ॥३९०॥  
निरंकार निबिकार निल्मभ ॥  
आदि अनील अनादि अस्मभ ॥  
ताका मूझ उचारत भेदा ॥  
जाको भव न पावत बेदा ॥३९१॥  
ताकौ करि पाहन अनुमानत ॥  
महां मूझ कछु भेद न जानत ॥  
महांदेव कौ कहत सदा शिव ॥  
निरंकार का चीनत नहि भिव ॥३९२॥  
आपु आपुनी बुधि है जेती ॥  
बरनत भिन भिन तुहि तेती ॥  
तुमरा लखा न जाइ पसारा ॥  
किह बिधि सजा प्रथम संसारा ॥३९३॥  
एकै रूप अनूप सरूपा ॥  
रंक भयो राव कहीं भूपा ॥

## चौपाई साहिब पाठ

अंडज जेरज सेतज कीनी ॥  
उतभुज खानि बहुरि रचि दीनी ॥३९४॥  
कहूं फूलि राजा हवै बैठा ॥  
कहूं सिमटि भयो शंकर इकैठा ॥  
सगरी सिशटि दिखाइ अचमभव ॥  
आदि जुगादि सरूप सुय्मभव ॥३९५॥  
अब र्छा मेरी तुम करो ॥  
सिखय उबारि असिखय स्घरो ॥  
दुशट जिते उठवत उतपाता ॥  
सकल मलेछ करो रण घाता ॥३९६॥  
जे असिधुज तव शरनी परे ॥  
तिन के दुशट दुखित हवै मरे ॥  
पुरख जवन पगु परे तिहारे ॥  
तिन के तुम संकट सभ टारे ॥३९७॥  
जो कलि कौ इक बार धिएहै ॥  
ता के काल निकटि नहि ऐहै ॥  
र्छा होइ ताहि सभ काला ॥  
दुशट अरिशट टरे ततकाला ॥३९८॥  
क्रिपा द्विशटि तन जाहि निहरिहो ॥  
ताके ताप तनक महि हरिहो ॥  
रिधि सिधि घर मों सभ होई ॥  
दुशट छाह छवै सकै न कोई ॥३९९॥  
एक बार जिन तुमें स्मभारा ॥  
काल फास ते ताहि उबारा ॥  
जिन नर नाम तिहारो कहा ॥  
दारिद दुशट दोख ते रहा ॥४००॥  
खडग केत में शरनि तिहारी ॥  
आप हाथ दै लेहु उबारी ॥  
सरब ठौर मो होहु सहाई ॥  
दुशट दोख ते लेहु बचाई ॥४०१॥  
क्रिपा करी हम पर जगमाता ॥  
ग्रंथ करा पूरन सुभ राता ॥  
किलबिख सकल देह को हरता ॥  
दुशट दोखियन को छै करता ॥४०२॥  
सी असिधुज जब भए दयाला ॥  
पूरन करा ग्रंथ ततकाला ॥

## चौपाई साहिब पाठ

मन बांछत फल पावै सोई ॥  
दूख न तिसै बिआपत कोई ॥४०३॥  
अङ्गिल ॥  
सुनै गुंग जो याहि सु रसना पावई ॥  
सुनै मूङ्गह चित लाइ चतुरता आवई ॥  
दूख दरद भौ निकट न तिन नर के रहै ॥  
हो जो याकी एक बार चौपाई को कहै ॥४०४॥  
चौपाई ॥

स्मबत स्त्रह सहस भण्जै ॥  
अरध सहस फुनि तीनि कहिजै ॥  
भाद्रव सुदी अशटमी रवि वारा ॥  
तीर सतुद्रव ग्रंथ सुधारा ॥४०५॥  
इति श्री चरित्र पख्याने त्रिया चरित्रे मंत्री भूप स्मबादे चार सौ चार चरित्र समापतम सतु सुभम सतु  
॥४०३॥७१३४॥ अफजूं ॥